

# Katersugaasiveqarneq pillugu Inatsisartut inatsisaat nr. 8, 3. juni 2015-imeersoq

## Kapitali 1

*Siunertaa nassuiarneralu*

**§ 1.** Kalaallit Nunaata piorsarsimassutsikkut kingornussaasa tigussaasut tigussaanngitsullu tammatsaolineqarnissaat Kalaallillu Nunaanni katersugaasiveqarnikkut sulinerup suleqatigiinnerullu siuarsarneqarnissaat Inatsisartut inatsisaata siunertarai.

*Imm.* 2. Piorsarsimassutsikkut kingornussat tigussaasut tassaapput suulluunniit nikisinneqarsinnaasut, illuutit aamma piorsarsimassutsikkut ingerlatsiviit, inuaqatigiit ineriarornerannut taassumaluunniit ilaautut ersiutaasut.

*Imm.* 3. Piorsarsimassutsikkut kingornussat tigussaanngitsut tassaapput pisaatsit, isummat, taaguutit, ilisimasat, piginnaasat, taamatullu aamma atortut, pigisat, assassinluni pilersitat piorsarsimassutsikkulluunniit ataatsimoorfiit, inuaqatigiinnit, inunnit ataatsimoortunit, ilaannikkullu aamma inunnit ataasiakkaanit piorsarsimassutsikkut kingornussat ilaattut akuerisaasut.

**§ 2.** Kalaallit Nunaanni katersugaasiveqarnermut ilaapput Nunatta Katersugaasivia Allagaateqarfialu, katersugaasiviit akuerisaasut, tak. kapitali 3, aamma Katersugaasiveqarnermut Ataatsimiitaliaq.

**§ 3.** Nalunaarsuineq, katersuineq, toqqortarinninneq, ilisimatusarneq, ineriatortitsineq paasianillu ingerlatitseqqitarneq aqqutigalugit katersugaasiviit suliassaraat:

- 1) Kalaallit Nunaata piorsarsimassutsikkut kingornussarsiaasa tammatsaolineqarnissaat sulissutigissallugu,
- 2) Kalaallit Nunaata piorsarsimassutsikkut pinngortitamullu tunngasutigut oqaluttuarisaanera paasiniassallugu, tak. imm. 2 aamma 3,
- 3) katersugaatit tamanut takusassiarissallugit, aamma
- 4) katersugaatit ilisimatusarnermi atugassangortissallugit, ilisimatusarnermilu paasianit ilisimasat siammartissallugit.

*Imm.* 2. Piorsarsimassutsikkut oqaluttuarisaanermik paasiniaanermi ilaapput inuuniarnerminni qangarsuaaniilli maannamut atugaasa allanngoriartorsimanerat, allanngorarsimanerat atajuarsimanerallu.

*Imm.* 3. Pinngortitaq pillugu oqaluttuarisaanermik paasiniaanermi ilaapput pinngortitaq, ineriatorsimanera, maannakkut avatangiisiusut aammalu inunnut sunniuteqarsimanerat.

*Imm.* 4. Ataatsimoortumik suliassaqarfinni katersugaasiviit suleqatigiissapput, suliassat imm. 1-imi taaneqartut isumagineqarnerisa siuarsarneqarnissaat siunertaralugu.

*Imm.* 5. Katersugaasiviit akisussaaffeqarfimminkilissarititaasut iluanni, oqartussanik eqqissisimatinsinermik, piorsarsimassutsikkut kingornussanik allatut illersuinermik sanaartugassanillu pilersaarusrornermik suliaqartunik suleqateqassapput.

## Kapitali 2

*Nunatta Katersugaasivia Allagaateqarfialu*

**§ 4.** Nunatta Katersugaasivia Allagaateqarfialu Namminersorlutik Oqartussat pilersippaat ingerlanneqarneranullu akisussaallutik.

*Imm.* 2. Nunatta Katersugaasivia Allagaateqarfialu pisortamit Naalakkersuisunit atorfinitsinneqartumit siulersorneqassaaq.

**§ 5.** Nunami tamarmi suliassat § 3, imm. 1-imí taaneqartut kiisalu suliassat inatsisit allat tunngavigalugit suliassiissutigineqartut Nunatta Katersugaasiviata Allagaateqarfatalu suliarissavai.

*Imm.* 2. Ukiuni sisamani sulinissamut pilersaaruseaq Nunatta Katersugaasiviata Allagaateqarfatalu suliarisassavaa, taannalu ilisimatitsissutit Naalakkersuisunut, sumiiffinni katersugaasiviit kattuffiannut, NUKAKA-mut Katersugaasiveqarnermullu Ataatsimiititaliamut nassiunneqartassaaq.

*Imm.* 3. Nunatta Katersugaasivia Allagaateqarfialu sulinini pillugu ukiumoortumik nalunaarusiortassaaq, taannalu Naalakkersuisunut akuerisassanngorlugu Katersugaasiveqarnermullu Ataatsimiititaliamut aamma sumiiffinni katersugaasiviit kattuffiannut NUKAKA-mut ilisimatitsissutit nassiunneqartassaaq.

**§ 6.** Nunatta Katersugaasiviata Allagaateqarfatalu itsarnisat ilisimaneqartut Inatsisartut inatsisaanni ilaatinneqartut tamaasa, matumani aamma nunatsinni eriagisassat pinngortitameersut, nunatsinni eriagisassat itsarnisat pigisallu immikkut ittumik soqtiginaateqartutut nalilerneqartut nalunaarsussavai.

*Imm.* 2. Nunatta Katersugaasiviata Allagaateqarfatalu piorsarsimassutsikkut kingornussat tigussaanngitsut Kalaallit Nunaanniittut suuneri inuiaqatigiit, inuit ataatsimoortut kattuffiillu attuumassuteqartut peqataatillugit nalunaarsorlugillu nassuiassavai, taakkulu allattorsimaffiannik ingerlaavartumik nutarterissalluni.

*Imm.* 3. Nunatta Katersugaasivia Allagaateqarfialu Kalaallit Nunaanni piorsarsimassutsikkut kingornussat tigussaanngitsut illersorneqarnissaannut akisussaasuuvvoq.

**§ 7.** Katersugaatit takussutissat eqqortumik takutitsisuuniartussat Nunatta Katersugaasiviata Allagaateqarfatalu katersussavai, katersugaatinut ilanngutissavai tammatsaalissallugillu.

*Imm.* 2. Pigisat ataasiakkaat imaluunniit katersugaatit ilaat katersugaasivinni kapitali 3 tunngavigalugu akuerisaasuni uninngasuutigineqarsinnaapput. Pigisat uninngasuutigineqartut Katersugaasivimmuk sukkullunniit uterteqquneqarsinnaapput.

*Imm.* 3. Pisut immikkut ittut iluanni pisortap inassuteqarneratigut Naalakkersuisullu akuersissuteqnerisigut Nunatta Katersugaasiviata Allagaateqarfatalu katersugaatit ilaat katersugaatinut immikkoortissinnaavai.

*Imm.* 4. Pigisat ilaat katersugaatinit immikkoortinneqartut katersugaasivinnut akuerineqarsimasunuunnaq tunniunneqarsinnaapput. Pigisaq pigisallunniit pineqartut katersugaasiviit arlaannaannilluunniit tigujumaneqanngippata immikkoortinneqartut allanut tunniunneqarnissaat atortussajunnaarsinnejarnissaalluunniit Naalakkersuisut akuersissutigisinnaavaat.

**§ 8.** Nunatta Katersugaasiviata Allagaateqarfatalu piorsarsimassutsikkut oqaluttuarisaaneq pillugu ilisimatusarneq, matumani aamma Kalaallit Nunaanni itsarnisarsiornermik assaalluni misissuinerit ingerlatissavai, paasisanillu ingerlatitseqqittarnermigut kalaallit piorsarsimassutsikkut kingornussarsiaannik tigussaasunik tigussaanngitsunillu aammalu Kalaallit Nunaata piorsarsimassutikkut ineriantorneranik ilisimasat siammartissallugit.

**§ 9.** Katersugaatit Nunatta Katersugaasiviata Allagaateqarfatalu ilisimatusarnermut atugassanngortissavai. Tassunga atatillugu aningaasartuutit katersugaatinik atuerusuttunit akilerneqartussanngortinneqarsinnaapput.

*Imm.* 2. Katersugaatit piffissani siumut aalajangerneqareersimasuni tamanit takuneqarsinnaatinneqassapput

*Imm.* 3. Nunatta Katersugaasivia Allagaateqarfialu katersugaasivinnut takusaanermi

akiliuteqartitsisinhaavoq.

*Imm. 4. Ilinniagaqarfii atuartitsinermut ilagitillugu katersugaasivinnut takusaatitsisut akiliuteqarnissaat piumasarineqarsinnaanngilaq.*

**§ 10.** Nunatta Katersugaasiviata Allagaateqarfialu katersugaasiviit akuerisaasut suliassani katersugaasivinnut tunngasuni siunnersortassavai.

*Imm. 2. Suliat teknikkikullu periarfissat tamanna ajornartinngikkaangassuk Nunatta Katersugaasivia Allagaateqarfialu katersugaasiviit akuerisaasut pigisaannik immikkut aanaveersaanermik ingerlataqartassaaq. Tamatumunnga aningaasartuutit katersugaasivinnit pineqartunit akilerneqartassapput.*

*Imm. 3. Nunatta Katersugaasiviata Allagaateqarfialu katersugaasivinnut akuerisaasunut pisussaaffii, matumani aamma siunnersorneqarnermut tunngatillugu aningaasartuutinik akiliisarneq pillugit maleruagassat erseqqinnerusut Naalakkersuisut aalajangersarsinnaavaat.*

**§ 11.** Katersugaasiviit akuerisaasut katersugaataasa toqqortarineqarnerat Nunatta Katersugaasiviata Allagaateqarfialu nakkutigissavaa.

**§ 12.** Nunatta Katersugaasivia Allagaateqarfialu nunat tamat katersugaasiveqarnikkut suleqatigiinneranni Kalaallit Nunaanni katersugaasiviit sinnerlugit peqataasassaaq.

*Imm. 2. Piorsimassutsikkut oqaluttuarisaanermi itsarnisat Danmarkimut nunanulluunniit allanut anninneqarsimasut utertinnejarnissaat pillugu Nunatta Katersugaasivia Allagaateqarfialu Kalaallit Nunaanni katersugaasiviit sinnerlugit isumaqatigiinniuteqartuusassaaq.*

### Kapitali 3

#### *Katersugaasiviit akuerisaasut*

**§ 13.** Naalakkersuisut katersugaasivik aalajangersimasoq suliassat § 3, imm. 1-imi erseqqinnerusumik taaneqartut ilaannik, nunap ilaani aalajangersimasumi sammisassanulluunniit aalajangersimasunut tunngasuni suliarineqartussanik isumaginnittussatut, Katersugaasiveqarnermut Ataatsimiititaliap inassuteqarneratigut akuerisinnaavaat.

*Imm. 2. Piorsimassutsikkut siammerterisumik suliniuteqarnerit allat katersugaasiviup akuerisaasup sulineranut ilaatinnejarsinnaapput, matumani ilanngullugu katersugaasiviup suliffeqarfinnik piorsimassutsikkut siammerterinermik suliniuteqartunik allanik suleqateqarsinnaanera.*

**§ 14.** § 13, imm. 1 tunngavigalugu akuerineqassagaanni piumasaqaatit makku eqqortinnejarsimasariaqarput:

1) Katersugaasivik kommunimit kommunilluunniit suleqatigiiffiannit pigineqassaaq, imminut pigisuulluni imaluunniit peqatigiiffimmit katersugaasiviup ingerlannejarnissaanik siunertaqartumit pigineqassalluni.

2) Kalaallit Nunaata piorsimassutsikkut kingornussarsiaasa tigussaasut tigussaanngitsulluunniit ilaat erseqqinnerusumik allaaserineqarsimasut, katersugaasiviilluunniit suliassaattut taaneqarsimasut allat katersugaasiviup akisussaaffigissavai.

3) Katersugaasivimmut ileqqoreqqusat katersugaasiviup aqqa, pigintuussutsinut tunngasut, siunertaa, akisussaaffeqarfii, siulersuisusa katitigaanerat, siulersuisuinik qinersinarneq, initai, missingersuutai, naatsorsuutai, kukkunersiusinarneq, ileqqoreqqusat allanngortinnejarnissaannut periarfissat atorunnaarsinnejassappallu qanoq iliortoqarnissaa pillugit aalajangersakkaniq imaqassapput.

4) Katersugaasivik naammaginartumik pitsaassuseqassaaq, katersugaasiviup katersugaataasa illersorneqarsinnaasumik toqqortarinneqarnissaannik qulakkeerisumik, aningaasatigullu tunngavissaqassalluni pitsaassutsip ataavartinnejarnissaanut periarfissiisumik.

5) Katersugaasiviup pisortaa katersugaasivimmi sulinermik ilinniagaqarsimasuussaad,

katersugaasivimmilluunniit siulersuinermik ingerlatsinissamut allatigut piukkunnaateqartuussalluni.  
6) Katersugaatit piffissani siumut aalajangereersimasuni tamanit takusarneqarsinnaatinneqassapput, katersugaasivillu takusaasunik akiliisitsisinnaavoq, kisiannili ilinniarfiit atuartitsinermut atatillugu takusaatitsisut akiliisittassanagit.

**§ 15.** Ukiuni sisamani sulinissamut pilersaaruseaq katersugaasiviup suliarisassavaa, taannalu kommunimut katersugaasivimmik ingerlatsisuusumut tapiissuteqartartumulluunniit, Nunatta Katersugaasivianut Allagaateqarfianullu aamma Katersugaasiveqarnermut Ataatsimiititaliamut ilisimatit-sissutitut nassiunneqartassaaq.

*Imm. 2.* Katersugaasivik ukiumoortumik naatsorsuusiortassaaq, missingersuutinut siunnersuusiortassalluni katersugaasivittullu sulinini pillugu nalunaarusiortassalluni, taakkulu kommunimut katersugaasivimmik ingerlatsisuusumut tapiissuteqartartumulluunniit akuerisassanngorlugit nassiunneqartassapput. Katersugaasivik kommunimit tapiiffigineqartanngippat naatsorsuutit, missingersuutinut siunnersuutit nalunaarusiarlu katersugaasiviup ileqqoreequsaani aalajangersakkat malillugit akuerineqassapput, tak. § 14, nr. 3.

*Imm. 3.* Katersugaasiviup ukiumoortumik naatsorsuutai, missingersuutinut siunnersuutai, katersugaasiviullu sulinini pillugu nalunaarusiaa, tak. imm. 2, Naalakkersuisunut, Nunatta Katersugaasivianut Allagaateqarfianullu kiisalu Katersugaasiveqarnermut Ataatsimiititaliamut ilisimatitsissutitut nassiunneqartassapput.

**§ 16.** Nassaat kapitali 5-imi pineqartnunut ilaatinneqartut katersugaasivinnit akuerisaasunit Nunatta Katersugaasivianut Allagaateqarfianullu nalunaarutigineqartassapput.

**§ 17.** Katersugaasiviup akuerisaasup katersugaataasa ilaat taamaallaat katersugaasivinnut akuerisaasunut allanut imaluunniit Nunatta Katersugaasivianut Allagaateqarfianullu tunniunneqarsinnaapput uninngasuutigitinneqarsinnaallutilluunniit. Pigisarli pigisalluunniit pineqartut katersugaasiviit akuerisaasut arlaannaannilluunniit imaluunniit Nunatta Katersugaasiviata Allagaateqarfiatalu tigujumanngippassuk immikkoortinneqartut allanut tunniunneqarsinnaapput atortussajunnaarsinneqarsinnaallutilluunniit.

**§ 18.** Katersugaasiviup § 14-imi piumasaqaataasut eqqortikkunnaarpagid imaluunniit §§-ini 15-imiit 17-imut naapertorlugit pisussaaffini sumiginnarpagit, akuersissut Naalakkersuisut namminneq suliniateqarnerisigut imaluunniit Katersugaasiveqarnermut Ataatsimiititaliap nalunaaruteqarneratigut atorunnaarsinneqarsinnaavoq. Atorunnaarsitsinnginnermi Katersugaasiveqarnermut Ataatsimiititaliaq oqaaseqaateqartinneqqaassaaq.

*Imm. 2.* Katersugaasiviup pissutsit imm. 1 naapertorlugu Naalakkersuisut aalajangersimasumik piffissaliussaata iluani aaqqitassat iluarsinngippagid akuersissut atorunnaarsinneqassaaq katersugaasiviullu sulinini unitsittariaqassallugu. Piffissaliussap aalajangiunneqannginnerani Katersugaasiveqarnermut Ataatsimiititaliaq tamanna pillugu oqaaseqaateqqaassaaq.

**§ 19.** Katersugaasivik sulinerminik unitsitsisariaqarpat katersugaasiviup katersugaataasa qanoq pineqarnissaat Nunatta Katersugaasiviata Allagaateqarfiatalu aalajangiivigissavaa.

*Imm. 2.* Unitsitsineq katersugaasiviup akuersissummik arsaagaaneranik pissuteqarpat imm. 1 malillugu aalajangiineq imaassaaq, katersugaasivik suliaminik unitsitsisoq akuersissummik arsaagaanerminiit ukiut marluk qaangiutinnginneranni akuerisaqqinnermigut periarfissaqassalluni katersugaatiminut oqaassisqaartuuleqqinnissamut.

## Kapitali 4

### Katersugaasiveqarnermut Ataatsimiititaliaq

**§ 20.** Katersugaasiveqarnermut Ataatsimiititaliaq tallimanik ilaasortalik, taakkununngalu

sinniisussalik Naalakkersuisut pilersissavaat, taakkunangalu:

- 1) ilaasortaq ataaseq sinniisussaalu Nunatta Katersugaasivianit Allagaateqarfianillu toqqagaassapput,
  - 2) ilaasortaq ataaseq sinniisussaalu katersugaasivinni akuerisaasuni pisortat akornanneersut Nunatsinni Katersugaasiviit Kattuffiannit, NUKAKA-mit toqqagaassapput,
  - 3) ilaasortaq ataaseq sinniisussaalu katersugaasivinni akuerisaasuni siulersuisut akornanneersut Sumiiffinni katersugaasiviit kattuffiannit, NUKAKA-mit toqqagaassapput,
  - 4) ilaasortaq ataaseq sinniisussaalu Kalaallit Nunaanni Kommunit Kattuffiannit, KANUKOKA-mit toqqagaassapput, aamma
  - 5) ilaasortaq ataaseq sinniisussaalu Ilisimatusarfimmit toqqagaassapput.
- Imm. 2. Katersugaasiveqarnermut Ataatsimiititaliami ilaasortat qaammatisiutit malillugit ukiuni sisamani atasussanngorlugit ivertinneqartassapput. Toqqagaaqqitoqarsinnaavoq.*
- Imm. 3. Katersugaasiveqarnermut Ataatsimiititaliap siulittaasussani taassumalut tullissaa ilaasortami akornannit qinertassavai.*
- Imm. 4. Katersugaasiveqarnermut Ataatsimiititaliap suleriaasissani nammineq aalajangersartassavaa.*

**§ 21.** Katersugaasiveqarnermut Ataatsimiititaliap allattoqarfegartinnera Nunatta Katersugaasivianit Allagaateqarfianillu isumagineqassaaq, taanna aamma aalajangersimasumik allatseqartitsuuussalluni. Allattoqarfiup suliassanik ingerlatsinera Nunatta Katersugaasiviata Allagaateqarfiatalu sulineranit immikkoortisimaneqassaaq.

**§ 22.** Katersugaasiveqarnermut Ataatsimiititaliap suliassarai:

- 1) katersugaasivinnut nuna tamakkerlugu suleqatigiiffiussalluni,
- 2) suliassani katersugaasiveqarnermut tunngasuni Naalakkersuisut pisortallu oqartussat allat siunnersuisuuffigissallugit,
- 3) katersugaasiviit akuerineqarnissaat inassuteqaatigisassallugu, tak. § 13, aamma
- 4) katersugaasiviup akuerineqarnissamut piumasaqaatit eqqortikkunnaarai, tak. § 14, imaluunniit §§-it 15-imiit 17-imut malillugit pisussaaffini sumiginnarai paasiguniuk Naalakkersuisunut nalunaaruteqassalluni.

**§ 23.** Katersugaasiveqarnermut Ataatsimiititaliaq suliani pillugit ukiumoortumik nalunaarusiortassaaq, taannalu Naalakkersuisunut, Nunatta Katersugaasivianut Allagaateqarfianullu kiisalu katersugaasivinnut akuerisaasunut ilisimatisissutit nassiunneqartassaaq.

## Kapitali 5

*Itsarnisanik innarlitsaaliiineq*

*Nassaat*

**§ 24.** Itsarnisat Kalaallit Nunaanni nassaarineqartut, kimilluunniillu uppermarsaasikkamik piginnittuuffiginiarneqarsinnaanngitsut nunatsinni eriagisassaapput pinngortitameersut, tassaagunik:

- 1) sumit naleqartumit sanaat imaluunniit piorsarsimassutsikkut oqaluttuarisaanermut immikkut pingaaruteqartut imaluunniit
- 2) umiarsuit umiarnikut, umiarsuit usii umiarsuillu umiarnikut taamaattut ilamerri ukiut 100-t sinnerlugit matuma siornatigut annaasaasorisat, inunnit danskisut innuttaassuseqartunit Kalaallit Nunaanni aalajangersimasumik najugaqartunit Kalaallilluunniit Nunaanniikkallartunit imaluunniit angallammit Kalaallit Nunaanni angerlarsimaffeqartumit danskit nalunaarsuiffianni nalunaarsorneqarsimasumit immap itisuup naqqani nassaarineqarsimasut.

*Imm. 2. Nassaat itsarnisat immap itisuup naqqani nassaarineqarsimasut, matumani aamma umiarsuit umiarnikut, umiarsuit usii umiarsuillu umiarnikut taamaattut ilamerri ukiut 100-t inorlugit matuma siornatigut annaasat nunatsinni eriagisassatut pinngortitameersutut nassaatut isigineqarnissaat*

Naalakkersuisut aalajangersinnaavaat.

*Imm. 3.* Nassaanut imm. 1, nr. 1-imí taaneqartunut aamma ilaapput nassaat imartap killeqarfiata iluaniittut tassaniissimasulluunniit.

*Imm. 4.* Immap itisuup naqqa, tak. imm. 1, nr. 2 aamma imm. 2, tassaavoq nunap inatsisitigut oqartussaaffiata killingata avataani immap naqqa nunalu ataaniittoq.

**§ 25.** Itsarnisat Kalaallit Nunaanni nassaarineqartut kimilluunniit uppernarsaasikkamik piginnituuffiginiarneqarsinnaanngitsut tassaapput nunatsinni eriagisassat itsarnisat, taakku tassaagunik naasut uumasulluunniit ujaranngorsimasut ujaranngulersulluunniit, imaluunniit suna nunap sananeqaataanit pinngortoq ilisimatuussutsikkullu soqtiginaateqarluinnartoq imaluunniit saqqummersissallugu soqtiginaateqartoq.

*Imm. 2.* Nassaat imartap killeqarfiata iluaniittut tassaniissimasulluunniit nassaanut imm. 1-imí taaneqartunut ilaapput.

**§ 26.** Nassaat §§-ini 24-mi 25-milu pineqartunut ilaatinneqanngitsut, kalaallilli piorsarsimassutsikkut oqaluttuarisaanerisa ilaannik pingaaruoteqartunik takussutissiisut Nunatta Katersugaasivianit Allagaateqarfianillu immikkut soqtiginaateqartutut isigalugit nalilerneqarsinnaapput.

**§ 27.** Nunatsinni eriagisassat pinngortitameersut, tak. § 24, aamma nunatsinni eriagisassat itsarnisat, tak. § 25, Namminersorlutik Oqartussanit pigineqarput.

*Imm. 2.* Nassaat soqtiginaateqartutut nalilerneqarsimasut, tak. § 26, piginnitsiminnit pigineqarput.

*Imm. 3.* Nassaanik § 26 naapertorlugu soqtiginaateqartutut nalilerneqarsimasunik piginnittup piginnituussutsimut tunngasut toqqortarineqarfiallu allanguuteqartinniarunigit tamanna Nunatta Katersugaasivianut Allagaateqarfianillu ilisimatitsissutigissavaa.

*Imm. 4.* Nassaat § 26 naapertorlugu soqtiginaateqartutut nalilerneqarsimasut tuniniarneqarpata taakku tuniniarneranni akiunik akilersillugit Namminersorlutik Oqartussanut neqeroorutigineqaqqaassapput. Tamanut ammasumik kaattaassisitsinissamik eqqarsaateqarnermi piginnittup tamanna pillugu Nunatta Katersugaasivia Allagaateqarfialu ilisimatittassavaa.

**§ 28.** Kinaluunniit itsarnisanik nassaartoq, itsarnisanilluunniit taamaattunik pigisaqalersoq tamanna pillugu Nunatta Katersugaasivianut Allagaateqarfianillu imaluunniit katersugaasiviit akuerisaasut arlaannut pinasuartumik nalunaaruteqassaaq. Tamanna aamma atuuppoq nassaanut imartap killeqarfiata iluaniittunut tassaniissimasunulluunniit, aamma umiarsuarnut umiarnikunut, umiarsuit usiinut umiarsuillu umiarnikut taamaattut ilamerenginut, inunnit danskisut innuttaassuseqartunit Kalaallit Nunaanni aalajangersimasumik najugaqartunit Kalaallilluunniit Nunaanniikkallartunit imaluunniit angallammit Kalaallit Nunaanni angerlarsimaffeqartumit danskit nalunaarsuiffianni nalunaarsorneqarsimasumit immap itisuup naqqani nassaarineqarsimasunut.

*Imm. 2.* Nassaat itsarnisat akornuserneqassanngillat. Taamaattorli nassaat ajoquserneqariaannaappata aserorneqariaannaappataluunniit nassaartup nassaani toqqortarigallagassanngorlugit nassarsinnaavai, taamaattoq tak. imm. 3. Nassaat isumannaarneqarnissaannut toqqortarineqarnerannullu pisariaqarsimasumut nassaartup aningaasartuutai naleqquttumik amerlassusillit Nunatta Katersugaasiviata Allagaateqarfialtu taarserlugit akilissavai, taamaattoq tak. imm. 4.

*Imm. 3.* Umiarsuit umiarnikut, umiarsuit usii umiarsuillu umiarnikut taamaattut ilamerngi immap itisuup naqqani nassaarineqarsimasut, kimilluunniillu uppernarsaasikkamik piginnituuffiginiarneqarsinnaanngitsut Nunatta Katersugaasivia Allagaateqarfialu taamaaliornissamut akuerseqqaartinnagu allanngortinneqassanngillat. Kialuunniit nassaanik taamaattunik qaqtsisup nassaamilluunniit taamaattumik pigisaqalersup nassaaq pinasuartumik Nunatta Katersugaasivianut Allagaateqarfianillu tunniutissavaa. Qaqtsisoq qaqtsinermut akissarsinissamik piumasaqarsinnaanngilaq.

*Imm. 4.* Inuit danskisut innuttaassuseqartut Kalaallit Nunaanni aalajangersimasumik najugallit

tassaniikkallartulluunniit aamma inatsisit naapertorlugit inatsisitigut pisussaatitaasut Kalaallit Nunaanni angerlarsimaffeqartut piginnittooq taamaaliornissamut akuerseqqaartinnagu umiarsuarnik umiarnikunik, umiarsuit usiinik umiarsuillu umiarnikut taamaattut ilamernginik immap itisuup naqqani nassaarineqarsimasunik, aammalu Namminersorlutik Oqartussanit pigineqaratik allanit pigineqartunik allanngortitsissanngillat allanngortitsinissamilluunniit sulissuteqassanatik.

**§ 29.** Nunatta Katersugaasiviata Allagaateqarfialu nalunaaruteqarneq naapertorlugu, tak. § 28, imm. 1, aalajangissavaa pineqartoq tassaandersoq nunatsinni eriagisassat pinngortitameersut, nunatsinni eriagisassat itsarnisat imaluunniit pigisaq immikkut soqutiginaatilik.

*Imm. 2.* Nunatta Katersugaasivia Allagaateqarfialu naliliippat pineqartoq tassaasoq nunatsinni eriagisassat pinngortitameersut, nunatsinni eriagisassat itsarnisat, taava nassaartoq pigisamilluunniit pigisaqlersimasoq taassuma katersugaasivimmut pinasuartumik tunniunnissaanut pisussaavoq. Nunatta Katersugaasivia Allagaateqarfialu taassuma peqatigisaanik aalajangiissaaq pigisaq qanoq toqortarineqassanersoq.

**§ 30.** Qaqutigoorluinnartunik piorsarsimassutsikkullu oqaluttuarisaanermut pingaaruteqarluinnartunik nassaartoqartillugu Naalakkersuisut nassaartoq, Nunatta Katersugaasiviata Allagaateqarfialu oqaaseqaateqareerneratigut akissarsisisssinnaavaat.

**§ 31.** Itsarnisat illorsorneqarnissaat pillugu, matumani aamma nasaat nalunaarutigineqarnissaat, toqortarineqarnissaat tunniunneqarnissaallu pillugit maleruagassat erseqqinnerusut Naalakkersuisut aalajangersarsinnaavaat.

#### *Pissarsineq annissuinerlu*

**§ 32.** Nassaaq nunamit allamit, nunami tassani inatsisinik unioqqutitsilluni anninneqarsimappat, taamaaliornerlu nunat tamat isumaqatigiissutaanni nunap pineqartup Danmarkillu atsioqataaffigisimasaanni pineqartunut ilaappat katersugaasivik nassaamik taamaattumik pissarsissangilaq.

*Imm. 2.* Pisarsineq imm. 1-imut akerliusumik pisimappat utertitsineq, nunat tamat isumaqatigiissutaat imm. 1-imi taaneqartoq naapertorlugu pissaaq.

**§ 33.** Nassaat kalaallinit suliarineqarsimasut 1945-p siornaneersut, nassaallu § 26 tunngavigalugu immikkut soqutiginaateqartutut nalilerneqarsimasut Nunatta Katersugaasivia Allagaateqarfialu akuersiseqqaartinnagu nunanut allanut anninneqarsinnaanngillat.

*Imm. 2.* Nassaat nunanut allanut annisissallugit kissaatigineqartut pisoqaassusii nalornisoornartoqartillugit Nunatta Katersugaasivianit Allagaateqarfianillu paasiniarneqartassapput.

*Imm. 3.* Pisuni immikkut ittuni piffissami aalajangersimasumik sivisussusilikkami annissinermut akuersissutip atuunnissaa nalunaarutigineqarsinnaavoq.

**§ 34.** § 33, imm. 1 tunngavigalugu annissinissamut akuersissuteqartoqanngippat nasaat taakku sumiluunniit tuniniarneqarunik akigisinnasaannik akilerlugit Namminersorlutik Oqartussanit tiguneqarnissaat nassaanik taamaattunik piginnittup piumasarisinnaavaa.

*Imm. 2.* Sulianik ilisimasallit naliliisereerlugit, matumani Nunatta Katersugaasiviata Allagaateqarfialu oqaaseqaateqartinnejnarnera ilanngullugu, akigitinneqartussaaq Naalakkersuisunit aalajangersarneqassaaq.

#### **Kapitali 6**

#### *Aningaasalersuineq tapiissuteqartarnerlu*

**§ 35.** Nunatta Katersugaasiviata Allagaateqarfialu sulinera nunatta karsianit tapiissutitigut,

avataanit tapiissutitigut aamma kiffartuussinernik il.il. tunisaqartarnikkut aningaasalorsorneqassaaq.  
*Imm. 2.* Nunatta Katersugaasivianut Allagaateqarfianullu nunatta karsiata tapiissutigisartagai ukiumoortumik aningaasaliissutinut inatsisitigoortumik aalajangersarneqartassapput.

**§ 36.** Naalakkersuisut aamma kommunalbestyelsi sumiiffinni katersugaasivinnut tapiissuteqarsinnaapput.

## Kapitali 7

*Naammagittaalliuuteqartarneq pineqaatissiisinnaanermullu aalajangersakkat*

**§ 37.** Nunatta Katersugaasiviata Allagaateqarfatalu aalajangiineri sap.ak. 4-t qaangiutsinnagit Naalakkersuisunut naammagittaalliuutigineqarsinnaapput. Naalakkersuisut aalajangiivitsinnagit Katersugaasiveqarnermut Ataatsimiititaliaq oqaaseqaateqartinneqqaassaaq.

**§ 38.** § 27, imm. 3-mik 4-millu, § 28, imm. 1-imik, § 28, imm. 2-mi oqaaseqatigiinnik siullernik, § 28, imm. 3-mi oqaaseqatigiinnik siullernik tulliinillu, § 28, imm. 4-mik, § 29, imm. 2, oqaaseqatigiit siulliannik, § 32-mik aamma § 33, imm. 1-imik unioqqutitsineq akiliisitsissutaasinnavoq.

*Imm. 2.* Aalajangersakkanik unioqqutitsisoqartillugu akiliisitsisarnissaq pillugu maleruagassat maleruaqqusani Inatsisartut inatsisaat naapertorlugu atuutilersinneqartuni aalajangersarneqarsinnaapput.

*Imm. 3.* Akiliisitsinissaq Inatsisartut inatsisaatigut maleruaqqusani luunniit Inatsisartut inatsisaat naapertorlugu atuutilersinneqartutigut tunngavissaqarpat, inatsisit naapertorlugit inatsisitigut pisussaatitaasoq Kalaallit Nunaanni pinerluttulerinermik inatsimmi maleruagassat naapertorlugit akiliisitsisummik akileeqquneqarsinnaavoq.

*Imm. 4.* Akiliisitsissut nunatta karsiata pisassaraa.

## Kapitali 8

*Atuutilerfia ikaarsaariarnermilu aalajangersakkat*

**§ 39.** Inatsisartut inatsisaat aggustip aallaqqaataani 2015-imi atuutileroq.

*Imm. 2.* Tamatumta peqatigisaanik atorunnaarsinneqarput Katersugaasiveqarneq pillugu Inatsisartut peqqussutaat nr. 6, 30. oktober 1998-imeersoq kingusinnerusukkut allannguuteqartoq, kiisalu Kulturikkut ingerlatsineq sunngiffimmilu sammisassaqartitsineq pillugit Inatsisartut peqqussutaanni nr. 10, 21. maj 2002-meersumi § 30, imm. 1, nr. 9.

*Imm. 3.* Maleruagassat Katersugaasiveqarneq pillugu Inatsisartut peqqussutaat nr. 6, 30. oktober 1998-imeersoq kingusinnerusukkut allannguuteqartoq naapertorlugu aalajangersarneqarsimasut atuutiinnarneqarsimasulluunniit, Inatsisartut inatsisaat una inatsisilluunniit allat naapertorlugit maleruagassiatiqut atorunnaarsinneqarnissartik taarserneqarnissartilluunniit tikillugu atuutiinnassapput.

Namminersorlutik Oqartussat, 3. juni 2015

Kim Kielsen